

KERJASAMA PEMBANGUNAN (LAPORAN KHAS)  
(I)

OLEH ZAINOOR SULAIMAN

1982

KUALA LUMPUR, 8 OKT (BERNAMA) -- NEGARA-NEGARA  
MEMBANGUN DALAM LINGKUNGAN SOSIO-EKONOMI PERTENGAHAN YANG  
JUGA MERUPAKAN PENERIMA DAN PENYUMBANG BANTUAN BOLEH MENGATASI  
SETENGAH-SETENGAH MASALAH YANG DIHADAPI MENERUSI KERJASAMA  
YANG LEBIH BERERTI.

MALAYSIA YANG BERPEGANG KEPADA PANDANGAN INI TELAH MENYEDIAKAN  
BANTUAN KEPADA NEGARA-NEGARA MISKIN DALAM KUMPULAN TERSEBUT  
MENERUSI RANCANGAN BANTUAN KEPADA NEGARA-NEGARA MISKIN DALAM KUMPULAN  
TERSEBUT MENERUSI RANCANGAN BANTUAN TEKNIKALNYA YANG DILANCARKAN  
DALAM TAHUN 1980.

DALAM LAWATANNYA BARU-BARU INI KE NEGARA-NEGARA PASIFIK  
SELATAN, DATUK SERI DR MAHATHIR MOHAMAD BERKATA BANTUAN  
TEKNIKAL YANG DITAWARKAN OLEH MALAYSIA IALAH UNTUK MENUNJUKKAN  
KEPADA DUNIA BAHAWA KERJASAMA YANG BERMANFAAT BOLEH DIWUJUDKAN  
DI KALANGAN NEGARA-NEGARA MEMBANGUN.

PERDANA MENTERI BERKATA: +DENGAN MENGADAKAN RANCANGAN  
SERUPA ITU, KITA BERHARAP DAPAT MENGGALAKKAN NEGARA-NEGARA  
MEMBANGUN YANG LAIN UNTUK SAMA-SAMA BERBUAT DEMIKIAN.+

MALAYSIA MEMPUNYAI KEPAKARAN DI BIDANG-BIDANG SEPERTI  
PENGURUSAN LADANG. NEGARA INI JUGA BOLEH MENAWARKAN KEMUDAHAN  
LATIHAN KEPADA NEGARA-NEGARA PENERIMA. -- LAGI 0835/MK

KERJASAMA - PEMBANGUNAN 2 KUALA LUMPUR (LAPORAN KHAS)

NEGARA-NEGARA PASIFIK SELATAN YANG TELAH MENDAPAT  
FAEDAH BESAR DARIPADA RANCANGAN BANTUAN TEKNIKAL ITU IALAH  
FIJI, PAPUA NEW GUINEA, SAMOA BARAT, TONGA, KIRIBATI  
DAN PERPULAUAN COOK.

LAIN-LAIN NEGARA YANG MENERIMA BANTUAN TEKNIKAL IALAH  
PAKISTAN, BANGLADESH DAN BEBERAPA BUAH NEGARA TELUK,

FIJI TELAH MENGHANTAR EMPAT ORANG PEGAWAI MENGIKUTI KURSUS  
MENGENAI PERANCANGAN DAN PENGURUSAN DAN LAIN-LAIN BIDANG  
YANG BERKAITAN DI INSTITUT TADBIRAN AWAM NEGARA (INTAN).

SUVA JUGA TELAH MEMINTA UNTUK MENGHANTAR BEBERAPA ORANG PEGAWAI BAGI MENGAJAI TENTANG PENGURUSAN LADANG, SEMENTARA UNIVERSITI PASIFIK SELATAN, BERTEMPAT DI FIJI TELAH MEMINTA MALAYSIA MENGHANTARKAN SEORANG PENSYARAH BAGI EKONOMI GUNAAN UNTUK SESI 1983/84NYA.

PAPUA NEW GUINEA TELAH MENGHANTAR 11 ORANG PEGAWAI KE MALAYSIA UNTUK MENJALANI LATIHAN DALAM BERBAGAI BIDANG DI INTAN ATAUPUN DISANGKUTKAN DENGAN FELDA DAN FELCRA. -- LAGI 0840/MK  
KERJASAMA PEMBANGUNAN 3 KUALA LUMPUR (LAPORAN KHAS)

SAMOA BARAT TELAH MEMOHON SUPAYA DIHANTAR SEORANG PEGAWAI DARI UNIT PERANCANGAN EKONOMI DI JABATAN PERDANA MENTERI KE JABATAN PEMBANGUNAN EKONOMINYA.

NEGARA ITU JUGA SEDANG MENIMBANG UNTUK MENGHANTAR PARA PEGAWAI KANAN POLISNYA UNTUK BERLATIH DI SINI.

TONGA DAN KIRIBATI MASING-MASING TELAH MENGHANTAR SEORANG PEGAWAI UNTUK MENGAMBIL KURSUS DI PERINGKAT SIJIL DALAM BIDANG PENYELIAAN HOTEL DAN RESTORAN DI PUSAT DAYA PENCELUARAN NEGARA DI PETALING JAYA.

BERPULAUAN COOKS TELAH MENGHANTAR SEORANG PELATIH KE PUSAT ITU DAN DUA ORANG LAGI KE INTAN. SEORANG PELATIH LAGI KINI MENGHADIRI KURSUS RADIO DI PUSAT LATIHAN TELEKOM DI SINI.

KERAJAAN MALAYSIA TELAH MENGUNTUKKAN \$10 JUTA UNTUK RANCANGAN ITU TAHUN INI. DARI JUMLAH TERSEBUT, \$2 JUTA TELAH PUN DIGUNAKAN, KATA ENCIK MUSTAPHA DATUK MAHMUD, TIMBALAN KETUA SETIAUSAHA 11 KEMENTERIAN LUAR NEGERI. -- LAGI 0844/MK  
KERJASAMA PEMBANGUNAN 4 KUALA LUMPUR (LAPORAN KHAS)

DATUK SERI DR MAHATHIR DIJANGKA MENEKANKAN PENTINGNYA KERJASAMA SERUPA ITU DI SIDANG KETUA-KETUA COMMONWEALTH SERANTAU DI FIJI PADA 14 OKTOBER.

BELIAU DIJANGKA MENEKANKAN BAHAWA COMMONWEALTH BOLEH MENJADI SEBUAH BADAN YANG BENAR-BENAR BERMAKNA JIKA ADA KESUNGGUHAN POLITIK DAN HASRAT DI KALANGAN ANGGOTANYA UNTUK BEKERJASAMA DAN SALING BANTU-MEMBANTU.

SETIAUSAHA AGUNG SHRIDATH RAMPHAL, YANG PERNAH MELAWAT NEGARA INI, MENSIFATKAN RANCANGAN BANTUAN TEKNIKAL MALAYSIA SEBAGAI +CONTOH PERKHIDMATAN PRAKTIKAL+ YANG SEPATUTNYA DIBERIKAN OLEH SEBUAH NEGARA MEMBANGUN KEPADA SEBUAH NEGARA MEMBANGUN YANG LAIN. -- BERNAMA 0847/MK